

զգորութիւնն Կայսերական հրովարտակացս, զորս ետու յայժ նուազ Հայոց եւ Յունաց 'ի հաստատութիւնն հրովարտակացն Սէլիմայ, կամակորեւով և գիմաստս նոցին չարաչար մեկնելով, անփոյթ եղեալ են զգործադրութենէ նոցին, որպէս եհտս յայս անգամ յականջս իմ. և զի Կայսերական կամքս իմ էր բան առ բան գործադրել զհրովարտական, զորս ետու 'ի հաստատութիւնն հրովարտակացն Սէլիմայ, սակայն պաշտպանել միոյ կողման և հակառակիլ իմաստից հրովարտակացն գործ իմն է ընդդէմ Շէրիի օրինաց եւ Կայսերական կամացս: Այլ 'ի մասին Բեթղեհէմի և գերեզմանի Ս. Աստուածածնի, ըստ պահանջման Շէրիի օրինաց երկու ազգք բաժանորդ լինելոյ եւ այսուհետեւ խալառ բառնալոյ զխռովութիւնն, տուան Կայսերական հրովարտակք. և յաղաքս վարելոյ ըստ զօրութեան նոցին՝ յատկապէս Կայսերական դիւանէս գրեալ առաքեցաւ սոյն հրովարտակս:

Արդ՝ դուք որ Վէզիր, Դատաւոր, Մուվէլլայ եւ այլ օմանք էք, Կայսերական հրամանս է, ջնջել և բառնալ 'ի դատարանէն Երուսաղէմի զարձանագրութիւնս հակառակ իմաստիւք գրեալ Հէօճճէթից, զորս տուեալ են Դատաւորք վասն ազահութեան իւրեանց: Չտալ հակառակ մեկնութիւնս հրովարտակաց, եւ չթիւրել զբարձրագոյն իմաստս նոցին, որք գրեցան համաձայն մտաց հրովարտակացն Սէլիմայ եւ չտալ կարեւորութիւն խռովութեանց պատահելոց յերկուց կողմանց: Իսկ 'ի մասին Բեթղեհէմի և գերեզմանի Ս. Աստուածածնի ըստ պահանջման Շէրիի օրինաց՝ երկու ազգք բաժանորդ լիցին, չտալով համարձակութիւն խռովութեան վասն սոցին իրաց: Կայսերական կամքս այս է՝ միաբանութեամբ ջանալ եւ փոյթ տանիլ բառ առ բառ գործադրութեան հրովարտակաց. չմիտել 'ի կողմն ազահութեան, չսիրել կաշառս և չլինել առիթ յարուցանելոյ նորանոր խռովութեանց, պաշտպան և տէր լինելով միոյ կողման: Եւ եթէ փոքր ինչ շարժումն եւս եղիցի հակառակ հրովարտակին այնմիկ, այնպէս գիտասջիք թէ համարձակողաց և հրամայողաց անտարակոյս պատիժ և պատուհաս պատրաստեալ են, այլ առնել որպէս գրեցաւ, եւ զհրովարտակսն մշտնջենաւոր բառ առ բառ